



JUSTITS MINISTERIET

Civilafdelingen

Dato: 15. september 2016
 Kontor: Nordatlantenheden
 Sagsbeh: Sabine Heestermans
 Svendsen
 Sagsnr.: 2016-490-0034
 Dok.: 2003808

PINGAARNERSIUINEQ

Allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsisip ilaasa Kalaallit Nunaanni atuutilersinneqarnissaannik kunngip peqqussutissaatut missingiut.

Ulloq 1. januar 2014 tamanut ammasuunissaq pillugu inatsit atuuttoq (inatsit nr. 606, 12. juni 2013-imeersoq) Danmarkimi atuutilersinneqarpoq. Ulloq taannarpiaq allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsit (inatsit nr. 639, 12. juni 2013-imeersoq) atuutilersinneqarpoq, ilaatigut tamanut ammasuunissamik inatsisip atuutilersinneqarnera tunngavigalugu inatsisit assigiinngitsut kingunerisassaasa allannguutaannik imaqartoq.

Allagaatinik il.il. paasitinneqarsinnaatitaaneq pillugu aalajangersakkat assigiinngitsut allannguutaat pillugit inatsimmi § 32, imm. 5-ip kingunerisaanik, inatsimmi §§ 1, 3, 8, 21 aamma 23-30 tamakkiisumik ilaannakortumilluunniit Kalaallit Nunaanni atuutilersinneqarsinnaapput. Aalajangerakkat taakku tamanut ammasuunissamik inatsimmi innersuussutini allannguutitut tunngasuupput, ilaatigut inunnik paasissutissanik suliarinnittarnek pillugu inatsit, ilisserusiat pillugit inatsit, aningaasanik ingerlataqarneq pillugu inatsit, pappiaqqanik nalilinnik niueruteqartarneq pillugu inatsit, assilineqatsaaliuineq pillugu inatsit aamma nioqqutissat ilisarnaataat pillugit inatsit, kunngip peqqussutaatigut Kalaallit Nunaanni atuutilersinneqartut.

Justitsministereqarfik ulloq 15. april 2016-imi kalaallit susassaqarfiinik naalagaaffimmi oqartussat suliarinnittarneranni tamanut ammasuunissaq inatsisip atuutilersinneqarnissaa pillugu kunngip peqqussutissaatut missingiummik Kalaallit Nunaanni Naalagaaffiup Sinniisoqarfianut

Slotsholmsgade 10
1216 København K.

Telefon 7226 8400
Telefax 3393 3510

www.justitsministeriet.dk
jm@jm.dk

nassiussaqqarpoq 2016-imi ukiakkut Inatsisartunut saqqummiussinissaq siunertaralugu.

Kunngip peqqussutissaatut massakkut missiliuutikkut siunnersuutigineqqarpoq, allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsimmi §§ 1, 21, 24, 25, 27, 29 aamma 30 Kalaalit Nunaanni atuutilersinneqassasut.